

書名 [宋丞相李忠定公奏議
六十九卷]附錄九卷
正德十一年跋刊本 (卷
第十二至第二十二第
三十二至第四十)鈔本
撰者 宋 李綱 撰, 明 朱欽
輯併校
卷 卷七
內容分類 史-詔令奏議-奏議-宋
索書號 大木-總類-奏議-別集-9
編號 B1913500

卷七



[彩色首頁1](#)

東洋文化研究所漢籍目錄 編號: B1913500
 東洋文化研究所漢籍目錄所藏漢籍善本全文影像資料庫 索書號:
 大木-總類-奏議-別集-9
 漢籍善本全文影像資料庫文本 [宋丞相李忠定公奏議六十九卷]
 附錄九卷 正德十一年跋刊本 (卷第十二至第二十二第
 三十二至第四十)鈔本
 版權所有: 東京大學 東洋文化研究所
 使用上の注意事項

宋丞相李忠定公奏議附錄卷之一

後學 同郡畏 庵 朱欽 景校

文林郎邵武縣知縣泰和蕭洋編梓

邵武縣儒學署教諭事嚴陵洪鼎校正

靖康傳信錄序



使七月出師次懷州八月召赴闕議事九月還次封丘除
 伏闕復舊職改充都大提舉京城四壁守禦
 充親征行營使二月三日以姚平仲事罷職
 二日差充行營司叅謀官四日除尚書右丞充



齋以馭富貴允為八柄之先藩屏之建想賢實本九經
之重春時猶子之懿錫以直茅之榮消選剛辰誕敷顯冊
皇姪具官某性姿端亮識度粹夷胃出神明初靡貴驕之
訓通詩禮雅有致思之文爨措立愛之經茂著維城之
武建元戎之旄鉞視三公之服章夙夜惟寅會同見齋莊
之色溫恭有恪烝嘗備顯相之誠賢儀浸明師論參稷疇
其闡望宜有寵褒是用按圖而定名契龜而協吉啓真七
字疏以王封敦陪并賦之多衍昇國組之實增重翰垣之
勇益宏宗祐之休於戲擅威福之權私恩不廢於公義長
富貴之守君寵當思於履危茂對龍光徃綏壽祉 卷終

宋丞相李忠定公奏議附錄卷之七

詔十三首

誡諭士大夫敦尚名節詔

朕嗣守基圖託于士民之上夙興夜寐罔敢怠違思所以
圖回治功陶成風化者實賴士大夫砥節礪行作民孚先
以善天下之俗今則不然背公營私附下罔上無宿道向
化之志有緝交死黨之心音茲不垢頑頰而廉耻之風
衰肩沒輕佻而忠厚之行熄方其平居高論闊議真若可
信一旦遇利害僅如毛髮遽失所守責其立朝可觀臨大
節而不可奪也難矣名節若此朕何望焉豈朕所以帥之

者未至歟將狃于流俗而未易遽革歟昔先王之盛時在位皆節儉正直德如羔羊而風化之所行至於中林之兔置莫不好德漢上之游女無思犯禮何其盛哉朕甚慕之士大夫其思所以革心易慮稱朕意者務惇實而去浮華止奔競而崇靜退使庶耻之風忠厚之行藹然著明足以鼓動當世則爵祿之加何吝之有詩不云乎靖共爾位好是正直神之聽之介爾景福易不云乎鶴鳴在陰其子和之我有好爵吾與爾縻之可不勉歟其或不悛邦有常刑朕不汝貸故茲詔諭想宜知悉

諭諭三省密院修舉熙豐政事詔

朕惟神宗皇帝考道據德制法作憲新美百度允登庶工若昔大猷肇造三省樞密院凡天下之政悉分統之曰中書省根本機務實專敷奏除授之任曰門下省出納命令實掌論駁省讀之職曰尚書省奉行政事所以總治曰樞密院典司樞要所以本兵由中以制外端本以御末綱紀法度燦然畢陳是以熙豐之治格于上下與古匹休何其盛哉肆朕纂承駿惠先烈繼志述事罔敢怠違熙豐之所施設而已然者遵制揚功而率由之熙豐之所有意而未備者增光潤色而推廣之制禮作樂興事就功以大有為於當世法完令具布在方冊施於四方實賴三省樞密院

臣僚維持緝熙各揚厥職修舉政事以紹隆神考之丕績
惟爾六七大臣其尚同心一德協恭和衷可否相濟于未
然之前號令必行於已出之後夙夜匪懈勤勞王家永孚
于休同底于道則予一人膺受多福尔亦有無窮之聞不
其躋歟故茲詔諭想宜知悉

誠諭百官毋得越職犯分詔

朕惟先王設官分職以法為分小大詳略各有等差猶之
耳目股肱相待以成體罔或侵越故能總衆職修庶政而
天下治惟我神考若昔大猷肇新官制內之省臺寺監外
之監司郡縣之吏允釐厥職職悉完具布在方冊炳若丹

青肆朕纂承祗適先烈屢下詔書不匿厥旨俾官修其方
毋得越職犯分以干邦憲庶幾繼志述事與三代同風而
此日以來卿士大夫不安分守非所當議倡為險膚非所
當為公肆妄作無宿道向方之志有沽激僥倖之心豈朕
所以告戒之者未至歟將士徂於流俗而未易以遷革歟
傳曰侵官冒也離局姦也詩曰靖共爾位好是正直神之
聽之介爾景福古之君子明於義命而思不出位故能受
靖共之福而無姦冒之刑朕甚嘉之子大夫其思所以安
於分守者各共乃事齊乃位度乃口以聽予一人之作猷
其或不恭邦有常刑必罰無赦故茲詔諭想宜知悉

誠諭省臺寺監修舉職事詔

昔我神考若稽大猷董正治官名釐邦采省臺寺監各有攸司本末維持大小承式綱紀號令百度鼎新肆熙豐之治格于上下雖三代之隆無以加也朕纂紹丕圖祇遵先烈宵衣旰食勵精為治思所以繼志述事以昭先帝之休德者顧官制布在方冊炳如丹青制而用之存乎法推而行之存乎人屢降詔書具宣德意庶幾卿士大夫修舉職事振起治功以追熙豐之盛而比日以來省臺寺監安習因循偷惰苟簡有豐祿營私之志無守法奉公之心慢令疎官玩歲愒日尚書政事之本動多稽違御史風憲之司

怯不糾察寺監失職百官廢弛夫省臺寺監所以推行朕之法令奉朝廷而倡郡縣者也曠慢若此朕何望焉豈朕所以率之者未至歟特告教不足以感乎必待刑戮加焉而後革歟善不云乎功崇惟志業廣惟勤卿士大夫其思所以克勤勵志宿道向方以顯白功業者務稱朕意其或不恭邦有常刑朕不汝貸故茲詔示想宜知悉

誠諭監司按察州縣詔

朕祇紹丕基撫有方夏勵精求治興事就功皆以利安元元為本深懼州縣之吏不能承流宣化達于吾民遂置監司分道按察或總漕計或司詳刑或掌常平之政或專學

校之法職雖不同而所以按察州縣其任一也方其出使朕親御便殿以臨遣之及其還歸復使進對以盡諮謀度詢之義視遇之禮亦已重矣庶幾德意志慮得以下達而吏之臧否民之利病不壅於上聞內自畿甸外薄嶺海萬里之遠風流而令行德洋而恩普吏稱其職民安其業以底太平之盛而監司未有卓然修舉職事稱朕意者其故何耶今州縣之間貪吏依勢以侵漁姦吏舞文而巧詆無宿道向方之志有背公營私之心法完令具布在方册而吏情弗履荒失詔命使元元之民不獲其澤良法美意殆為虛文而監司曾莫之恤惟以簿書期會為急務蔑視寒士摠撫細故以塞責而疆禦權勢之吏賦行貪籍恬不誰何夫監司朕所以寄耳目之任也失職若此朕何望焉其自今以往各揚厥職按察所部凡姦貪惰慢之吏曠職失守違法害民徇流俗而無奉上之心者悉以名聞當議寬黜以為群吏之戒其或附下庇姦畏避不舉得於訪聞罪不汝貸故茲詔諭想宜知悉

誠諭士大夫朋黨詔

朕惟唐虞之世皋陶稷契之臣都兪吁咈於廟堂之上更相稱譽而無比周之操百僚師師盡其智能以效官職庶政惟和萬邦咸寧後世想望而不可及朕甚慕之肆朕

纂紹不圖虛心以治陟降殿上法天地之無私庶幾振起
治功同底于道而執政大臣不能體朕之意有所薦引
為己功士大夫不明於事君之義者因亦從而歸之肯公
營私附下罔上人無賢否進非其門則極力以排之無是
非建非其意則騰口而議茲風不息浸成朋黨豈社稷之
福哉此已簡其尤者投之遠方置之散地以為讒說殄行
震驚朕師者之戒其自今以往大臣毋以薦引人材術醫
而市私恩小臣毋以因其薦引阿附而忘公義靖共尔位
壞植散群以聽予一人之作敵其或不悛邦有常刑必罰
毋赦故茲詔諭想宜知悉

誠諭帥臣修飭邊備詔

朕撫有方夏被寧萬邦蠻夷向風稽首來享蠢茲四戎昏
迷不恭敢離大邦誘遁逃之臣率犬羊之旅搔擾疆場虔
劉邊陲哀克鞠頌曠誅積稔神怒人憤勤殄有期爰命虎
臣往行天討惟爾六七帥臣實分關外之寄為予爪牙整
我六師修飭邊備奉指蹤之略遵制勝之謀靈旗西指此
誠壯士功名之會也爾其振勵士氣奮張軍容繕甲兵具
率乘明號令信賞罰士卒之甘苦習山川之形勢玩寇
掌上視虜目中使戰必勝攻必取日百里以闢國月三捷
以奏功肅清一方掃蕩巢穴流沙瀚海歸輿地之圖元惡

大憝正藁銜之戮以摠宿憤大震天聲時汝之績不其躋歟其或不恭邦有大刑朕不汝赦故茲詔諭想宜知悉

勸農詔

農天下之本也民之所恃以生也民不務本而事末則其生不遂故先王之政以食為首商人以歲事來辟則戒以稼穡匪懈周人遣諸侯於廟則戒以新畝銜艾其務農重穀如此用能享豐年之報有積歲之儲教化行習俗美而頌聲興朕甚慕之今朕開千畝之籍行三推之禮躬秉耒耜播種稼之種以給郊廟之饗盛率民敦本為天下先庶幾四方風動與古匹休朕意厚矣夫承流宣化推朕德意

而致之民者守令之職也其務勸農教之稼穡省其耕斂勿違其時勿奪其力非須繫逮毋輒追呼以妨農功使服田力穡享有秋之利衣食滋殖立太平之基稱朕意焉故茲詔諭想宜知悉

恤刑詔

朕惟昔之治天下者主於德教而以刑弼之刑非所以先也虞舜好生而民不犯成康刑錯而頌聲興下逮漢唐盛時亦皆斷獄數百幾致不用朕甚慕之爰自臨御以來制禮以齊民本仁而出政屢降御筆惟刑之恤定答法減杖數寬節辰原貸之恩嚴折揚非法之禁庶幾德化感孚刑

罰清而民服以追治古之盛而四方典獄之吏未能稱朕
欽恤之意情吏慢令而弗虔姦吏舞文而巧詆訊鞠論報
掠治傳爰皆有法式莫克遵承依勢作威倚法肆暴公然
違矣詔旨使吾民陷于罪罟而未臻刑措之風殆此曹致
也自今應刑獄官司敢為暴酷不如法者在京委尚書刑
部在外委提點刑獄按察以聞邦有常刑朕不汝貸故茲
詔諭想宜知悉

誠諭守令推行御筆寬恤詔

朕惟祖宗勗業守成以仁治天下重熙累洽與古匹休肆
朕纂承祗通先烈宵衣旰食勵精為治立政造事所以利

安元元者一以寬恤為先屢降御筆手詔播告之脩不
厥肯庶幾仁治克紹祖宗風動四方以成太平之化而此
日以來監司守令奉命不虔坐視詔書徒掛牆壁以為文
具廢法慢令恬不加恤夫承流宣化推朕德意志慮而建
之民者監司守令之職也失職若此朕何望焉其自今以
往各揚乃職應前後頒降寬恤事件竭力遵承毋致違戾
使四方萬里之遠實德及民以稱朕意其或不恭守令仰
監司按察監司仰互相糾舉以聞邦有常刑朕不汝貸故
茲詔諭想宜知悉

誠諭禮官嚴奉祠祭詔

朕嗣有令緒夙夜嚴恭齊明祀事以承上下神示社稷宗廟罔不祗肅深懼有司不能奉承德意昭格神休屢降詔書不匿厥旨斐幾恪慎精潔副朕明禋恤祀之意而此日以來執事不虔玩習苟簡恬弗加省牲幣禮料取其臨時擯贊晚興不中儀式達于朕聽良用憮然夫祀國之大事也職在禮官委任甚重廢法慢令朕何望焉自今其務所以肅恭自盡稱朕意者敢或不恭邦有常刑朕不汝貸故茲詔諭想宜知悉

誠諭學者辭尚體要詔

朕自臨御以來建學校聯師儒一道德以教養天下之學

者屢降詔書崇雅黜浮廢幾文章之盛深醇典正炳然與三代同風而自兩漢以來為不足議也朕之待士至矣比覽貢士程文猥釀不純氣格卑弱刻意以為高者浮誕詭詭而不協于中騁辭以為辯者支離蔓衍而不根于理文之不根未有甚於此者朕甚羞之豈子大夫平日所以講貫之者未至歟抑偷取臨時務應有司之求而休於得失歟夫文以意為主以氣為輔以辭彩為之衛翼本之固者其發為英華必茂源之深者其流為波瀾必遠子大夫其思所以完養意氣涵養本源者博極古今根抵仁義六經之書諸子百家之說必深究而明辯之則見於文辭者體

要兼備宜有可觀者朕有好爵與爾縻之可不勉歎故茲
詔諭想宜知悉

詔諭守令勸課農桑詔

朕惟生民衣食之原莫重於農桑故幽詩陳王業之艱難
孟子言王道之本必以是為先今海內承平之久生齒日
衆一夫不耕或受之飢一婦不蠶或受之寒飢寒切於肌
膚求民興於禮義廉耻而亡為非不可得也肆朕開千畝
之籍行三推之禮躬耕以供粢盛后浴種獻繭親蠶以為
祭服率民敦本為天下先庶幾四方風動與古匹休朕意
厚矣夫承流宣化推朕德意而致之民者守令之職也其

務勸課農桑毋違其時毋奪其力非事須繁逮母輒追呼
以妨其功崇本抑末使末技游食之民轉而緣南畝抒軸
之女親其蠶織四方萬里之遠男子畝婦人桑絲身穀腹
衣食滋殖蓄積足以備災害而無飢寒匱乏之患稱朕意
焉故茲詔示想宜知悉

宋丞相李忠定公奏議附錄卷之七